

Johor memperuntuk RM2 juta setiap 2 sungai tercemar pulih jelang 2027

Dengar berita yang disampaikan dalam suara wartawan kami yang dijana oleh kecerdasan buatan

Dengar Artikel ini
3 min

Generated by AI



Pengerusi Jawatankuasa Kesihatan dan Alam Sekitar Johor, Encik Ling Tian Soon (kedua dari kiri), bersama Datuk Bandar Majlis Bandaraya Pasir Gudang (MBPG), Datin Paduka Hazlina Jalil (kanan), membuat bebola mikrob pada Majlis Perasmian Sambutan Hari Alam Sekitar Negara 2025 Peringkat Johor. - Foto FACEBOOK MBPG

JOHOR BAHRU: Kerajaan Johor memperuntukkan RM2 juta (\$615,367) kepada usaha menambah baik mutu air, sekali gus memulihkan Sungai Buluh dan Sungai Tukang Batu di sini yang juga antara sembilan sungai tercemar di negeri itu.

Translate Summarise

Pengerusi Jawatankuasa Kesihatan dan Alam Sekitar Johor, Encik Ling Tian Soon, berkata dua sungai itu di...



Kuiz BeritaHarian Uji pengetahuan anda dalam bahasa Melayu



[Jom tempah](#)

“Projek berkenaan bermula sejak September dan dijangka siap Disember dengan status pelaksanaan mencapai 70 peratus setakat ini.

“Dua sungai ini akan menjadi permulaan (usaha meningkatkan mutu air). Jika berjaya, kita akan cuba bawa inisiatif ini ke sungai lain,” katanya ketika ditemui selepas Majlis Perasmian Sambutan Hari Alam Sekitar Negara 2025 Peringkat Johor pada 26 Oktober, lapor *Berita Harian* Malaysia.

Selain usaha itu, Encik Ling berkata kadar pelepasan karbon oleh pihak industri turut dipantau MBPG menerusi penilaian tenaga elektrik, penggunaan dan penjagaan air sisa serta penghijauan kawasan industri.

“Pemantauan mutu air dan udara secara masa nyata akan dilaksanakan bagi mengawasi kualiti air sungai dan udara dalam kawasan pentadbirannya,” ujarnya.

Beliau berkata beberapa lokasi strategik termasuk kawasan aduan pencemaran, titik panas dan lokasi yang berisiko tinggi serta sensitif terhadap pencemaran juga telah dikenal pasti.

Katanya, JAS akan turut memastikan pemantauan dan penguatkuasaan dilakukan di lokasi terlibat, termasuk memastikan pelepasan air sisa industri ke dalam sistem perparitan berdasarkan syarat ditetapkan.

Justeru, beliau menegaskan kerajaan Johor komited memulihkan mutu air di semua sembilan sungai terlibat dan menggesa semua pihak untuk bekerjasama memelihara dan memulihara alam sekitar.

Sementara itu, Encik Ling dalam satu kenyataan turut memaklumkan JAS Johor akan bekerjasama rapat dengan MBPG dan agensi teknikal lain bagi memperkukuh kawalan terhadap sumber pencemaran, terutama di kawasan perindustrian Pasir Gudang melalui Program Pemantauan dan Penguatkuasaan Bersepadu

“JAS Johor memastikan setiap premis industri mematuhi syarat pelepasan efluen, kawalan sisa buangan berjadual dan pengurusan pencemaran udara bagi melindungi kesihatan awam serta ekosistem setempat,” katanya.

Adakah anda menikmati artikel ini? Beritahu kami.





